

1 T5464 183 B

~~CHL 5480.2~~

4

CHINESE-JAPANESE COLLECTION
HARVARD COLLEGE LIBRARY
FROM HARVARD YENCHING INSTITUTE
JUN 28 1932

卷之三

有寧 杏林行 悔餘

蜀山集

人言蜀山先生... 補延歲月... 復得故人之... 橫

也... 橫

也... 橫

也... 橫

也... 橫

也... 橫

敬業堂詩集卷十

海寧 查慎行

悔餘



獨吟集

起巳巳正
月盡九月

去夏到家外舅陸先生風孿漸減猶冀稍延歲月也乃今二月竟爾不起余既視含殮復徇故人之招匆匆北上關山獨往觸緒悲來不禁涕泪之橫集也

外舅陸射山先生挽歌二章

公亡先友盡孤露感吾生別有無窮泪非關兒女情破家緣結客玩世亦逃名不比陶元亮徒高處士聲
吳天春夜月偏犯少微星昨去扶衰病今來失典刑履

綦雖寂莫畫像儼精靈世之中郎筆誰為有道銘

重過聽鶯齋留別徐淮江二首

一度相過一愴神尚書宅畔老松筠年時地主無多在

狼籍江關况酒人傷程禹聲家翰荒也

雁行啼過雨蕭蕭往事深燈又此宵記得小船秋港別

葦花遮斷賀家橋

虎丘

又作山塘一日留相逢往往說宸遊朱欄路轉千人

石黃瓦春開萬歲樓花柳時清無隙地管絃興盡有廻

舟繁華何與閒僧事添炷香燈照白頭

吳門與惠研谿話舊

燕市歌狂散酒星勞勞三百五長亭桃花影裏抽帆路
流落江東剩兩萍

京口遇朱悔人

丁卯橋荒感再經勞人雙鬢各星星一帆北固烟初暝

二月南徐草未青京洛夢回同斷梗江湖天濶但浮萍

春秋滿眼分襟路怕上旗邊舊酒亭

三月二日揚州作

鈔關門外綵層層三月烟花見未曾張得水嬉還望幸

船船絃索上紅燈時傳大駕已幸淮陽

上巳過平山堂下

發軫維陽城茗茗入塵陌不逢前裙女但見騎驢客平

山平似岸夾路植松栢堂空感良遊事往念前哲當時
手種柳搖落那禁折斲此駐征鞍一帘風向夕

晚宿大儀鎮

萬乘方南巡孔道車奏輻我行取紆折路僻馬不熟臨
岐徘徊鳴旅况愴孤獨廣陵繁麗地咫尺異風俗沙田
廢牛耕灌莽抽新綠人稀鳥巢少鴉鵲爭一木村童弛
樵擔古佛棲草屋杳杳望炊烟荒荒晚投宿

天長縣北郭外垂柳夾隄清渠一道土人云即
汴河也

萬葉千梢映碧波一條虹影曳坡陀天長縣北聞人說
此是隋家古汴河

自盱眙北界沿洪澤湖西北行晚至高家堰

淮泗方合流洪湖際溟漠水所從來高其勢建瓴若長
堤亘首尾力敵萬鎖鑰近傳泗州城三板沒郭郭澄波
見井竈了了魚蝦躍淮陽地尤卑東岸狂瀾劇十年費
國計万杵鳴橐橐排椿內甃石隄起堵墻削禹功紀告
成注海有疏瀹不聞當橫流扼吭恣噴薄決口旣須塞
減水孰開鑿自唐堧以上决口三十四減水壩六減水
法始於宋回河之議蘇穎濱云回河雖罷
減水猶存是也九道湮成河洪澤以下向沙田梗流惡放之使
行地汗漫無歸着天下本一家揚州忍爲壑移亡及身
事丘墓傷淹泊可憐水鄉民不及鼃鼃樂 九重亟軫
念南幸求民莫河嶽盡懷柔淮神敢行虐天功即帝力

愚賤矧可度我來愛漣漪正值沙水涸一程滌煩懣清
曠迥踰昨夕陽射湖東欲落尚未落忽然得新句放眼
向寥廓

黃河待渡

遠行疲長途春晝赴急景柅車柳陰下稍覺白日永黃
埃渡河來風氣變淒冷奔湍怒流濁拍岸高過頂千檣
万檣形倒視無一影沙崩人跡散月上波響靜衆涉叩
敢爭及茲放孤艇

澗橋

風色轉河壩春光滿淮甸阪被菜花黃籬窺野桃舊朝
陽出疎樹蘆屋烟中見饌無登盤魚戶有啣泥燕從人

問前路已近清河縣

大霧新灘道中

陰霾忽交集一氣吞平沙如入大海中瀰漫四無涯前
行泛孤鶩後旅延修蛇似密忽已疎稍開旋復遮大塊
任勃塞陽烏斂光華朦朧一鏡懸注視眼不花方當晡
靄際正氣難勝邪無何廣漠風披豁青天霞君子視洞
達毋令道里差

次日發沐陽渡小溝河大霧復作次前韻

昨日如細雨今晨同歎沙廣川橫我前截岸作兩涯晝
如壯士劔當道分長蛇亂流苦無舩林黑影被遮僕夫
牽馬渡閭閻迷春華路旁玉瓏鬆結作野草花老農識

占候何筮歌汗邪連霧知大風暮雨看晴霞人事難預
測物理永不差

紅花埠至曹村四十里間桃李夾路

遙林春鳥啼客枕促晨起有村有園圃無處無桃李烟
氣薄花光迷濛四十里方當鞍馬倦忽值風日美欲去
轉躊躇北行恐無此

大風

新月夜生暈朝來果作風初聞響騷騷停午聲蓬蓬砂
礫本附地簸蕩忽向空遙天失其青皎日爲之紅憶昨
衝霧雨兀如醉夢中行當快掃除何復遮溟濛勃蹊向
六鑿無地置我躬有目欲使昧有耳欲使聾口鼻比山
澤呼吸恐不通五官心則靈獨覺非外蒙涉川畏波浪
遵陸愁霾零男兒歎失意豈必皆途窮平生塵土緣鹵
莽焉知終去去洗垢濁還君憔悴容

寒食行

老鴉銜紙錢飛上白楊樹破廬誰氏子挈榼上冢去新
鬼土作堆堆平鬼亦故百年過鼎鼎孰者非朝露安知
今樓臺不是昔墟墓十年寒食節九度他鄉路看到野
棠梨荒山春又暮

清明日蒙陰道上觀鞦韆戲作

隔牆聞笑聲人在花枝下花枝旋搖動倘有秋千架何
人挾飛仙天半飄裙袂瀏漓俄頓挫按抑還騰躡力怯

不自持身輕若無藉柳絲如腰細捲起向空掛却下整
雲鬟神情自閒暇魯邦喜遊治民俗廢桑柘已經上巳
辰纔過百六夜新粧與靚服徃徃出茆舍鄉風隨俗有
客路關心乍未免憶江南家家好亭榭

新泰旅壁見故人周青士題詩愴然繼和

歎息溪南老生涯詎忍論有詩題壞壁無計臥窮村去
作京華客歸招旅櫬魂乾坤吾哭汝塵土上啼痕

過西嶺數里許土岡微起道傍新立木榜署古

新甫山五年前經此未嘗有也

南眺東蒙峰北瞻泰岱巔相望三百里徂徠處其間新
甫特土壤居然亦名山石老栢不生荒榛互綿延文人

好夸大後世事或然曼碩告寢成煌煌郊廟篇移風繼

周頌孔子經手刪不應闕宮什失實載簡編魯邦岩岫

多高峙爭孱顏今聞非昔指彼此揣度懸年徃事易訛

况加附會牽我欲正此謬詩成恐難傳王伯厚困學紀聞云魯頌徂徠

之松後漢注兗州博城縣有徂來山新甫之栢傳注不
言所在惟後魏地形志魯郡汶陽縣有新甫山通典漢
汶陽故城在兗
州泗水縣東南

望岱

山形陡然來其勢乃易量孤根雖秀拔群岫或爭抗泰

岱四岳宗宇宙虞隘妨去聲大麓起沂州鱗鱗疊巒嶂客

程窮五日日日坡陀上不知去平地已是幾千丈漸覺

所歷高縱眼快前嚮昨經新泰郊突兀方示象將開意

忽會在遠神彌王霞氣舉之升隔天樹屏障龜蒙挾鳧
繹連絡走相傍徂徠亦兒孫未可儕輩行其他况培塿
倚伏同一狀今朝及山趾耳目塔焉喪便思躡芒屨去
倚扶桑杖天門次寥開万里跌蕩蕩仰瞻星漢逼下掃
雲海漲雞鳴日觀峰倒影出摩湯惜哉身未到祇用窮
想休秦松漢代栢盤攫倘無恙碑憶磨崖鐫亭思駐蹕
創賢君七十二踵事規撫壯如何太史文隱躍時近訪
誰陳封禪頌體格要有當游蹤觸覩記即事語敢放覽
眺存古懷終期慰遐暢

瘦俗戲和次谷兄

晨辭泰安州午達長清境石欹行礙步土燥俗少井木

瓢酌山窪歲久必生瘦醜形婦女甚戶戶裁濶領東坡詩濶
領先裁牛病垂老胡豕肥縮短頸苦開脹河豚餘怒鼓
覆瘦衣蛙黽兒郎打銀釵亂髮時一整野花插偏髻陋質寧自

省

開山廟

磽确苦厭山出山愛蒼翠迴看青蓮花一一吐烟際綿
連魯齊界豁達燕趙氣黃塵有時開白日曬平地輪蹄
倚空濶所向莽無避蹭蹬身已經吾行方按轡

曉過平原

宿醉兼殘夢朦朧過幾村明星天一角紅日縣東門四
面柳陰合千家烟氣昏朝來好風色躍馬過平原

重宿德州有懷研谿西庄

德州城邊三月杪桃李家家傍清沼繫舩人見跨鞍人

一色春衫青鬪草令君載酒遠見餉去年春杪泊舟德平揚令君攜酒相

過侍史求詩近相惱風流學士田先生雨來編修騎馬來尋

苦不早城端角聲門欲閉話別匆匆語難了杯闌却記

惠與湯此地曾誇紅袖好詞題裙帶付張態曲記油車

嫁蘇小每攜行卷跨向人不信裝囊易傾倒爾來好事

復誰繼只有征埃催我老春風兩鬢添幾絲又是去歲

看花時

河間道中

沙路條條似前行曉易迷牛鳴新店火月上阜城雞古

堠烽煙靜遙天樹木低數錢工姪女詩橐天空攜

與彭椒崑時宰河間縣

別裏三年夢初疑作吏難衝繁畿輔地辛苦牧民官元

結詩仍好安仁鬢未殘合并無限喜為爾一加餐

椒崑座上喜晤王赤城兼讀集中見寄詩知與

余神交有年矣短章奉誦

故人知我來堠騎迎郊甸相逢車笠間尚作文酒讌後

堂出嘉賓齒序列筵簞為言老兄弟結契自少賤我初

熟君名想像得君面邂逅此會竒心期慰依戀酒酣出

新句唱和近成卷語妙非俗觀篇終有餘善長歌謬見

及卒讀評深眷僕本田間人無端去鄉縣奔馳十年事

迅若釋絃箭挾瑟與彈箏隨時技羞變重來有何趣翼
塌孤飛燕猥蒙許與加力薄已難踐從君生感激別淚
爲一泣

趙北口

燕南趙北際地是古易州兩淀巨一隄

隄南爲白洋淀
北爲黑洋淀

隄長若橋浮前年驅車過寧淖沒我輶雨脚颼颼垂心
懷失足憂至今旅枕夢澁縮不敢投茲來喜春霽日色
和且柔晨餐具鮮鯽門有曬網舟飛沙隔岸來風削墮
浪頭俯見夾岸柳枝枝倒清流人生各有營偶過難久
留愧此千頃綠一雙雪毛鷗

自雄縣至白溝河感遼宋舊事慨然作

已割燕雲十六州雄關形勢咲空留兩河地與中原陷
三鎮兵誰一戰收細草鳴馳非故壘夕陽飲馬又中流
長江南北天難限一綫何煩指白溝

過涿州懷楊耑木

廟社樓桑跡僅留城南緩轡記同遊春風又送孤塗客
一背斜陽過涿州

三月晦日飲朱十表兄槐樹斜街新寓同梁藥
亭吳震一作二首

槐街舊與一峯隣

一峯喬石林侍
讀舊寓堂名

酒甕重開爲洗塵最

喜今年春帶閨遲來猶作看花人
兩株桃樹手親移紅影紛紛落酒卮特與幽庭添曲折

秣稽櫻綫縛笆籬

古藤陰下三間屋爛醉狂吟又一時惆悵故人重會飲
小箋傳看洛中詩

是日得家德尹洛中所寄絕句

豐臺看芍藥同家次谷兄陳元之甥四首

不用穿花坐竹堦蹇驢馱客穩如舟垂楊十里綠陰合
中有一雙黃栗留

意外穠粧鬪眼新無端一咲為迷津妬他誤馬隨車處
出色花枝不避人

紅艷群羣綺陌遊春風繭栗憶揚州十年一夢依稀似
老眼貪看分外羞

孟公愛客不尋常知我錢空買醉囊特遣白衣迎半路

一壺重發少年狂

時陳實齋遠致酒肴見餉

次韻送梁藥亭庶常請假歸南海

但使官情澹何妨老耐貧忍拋同醉伴還對獨吟人草
色留書帶槐陰借比隣荔枝紅過嶺一騎是歸塵

夜聞孫愷似家絃索聲戲柬索和

歌頭酒尾惜惜夜懊惱燈光却被遮畧似香風吹夢醒
一番芳事屬隣家

合肥大司馬李公席上聽楊老彈琴

臥遊堂北夜惜惜及記年時刻燭吟別後人誰憐廢瑟
爨餘公自賞孤琴衆山圖畫聲相應一技工夫老更深
慙愧重來聽雅奏也應情感為知音

朱恒齋招余下榻齋中書此示意

君家春草堂舊是雙書地手澤尚如新忍添遊子淚

移寓次譚護城給諫韵二首

貪得槐街近作隣

舊寓去竹垞最近

再遷吾意亦逡巡無端併

誤將雛燕一月遽廬認主人

雁齒檐齊落井湄清泉飛出起淪漪
轆轤本爲澆花設一折流成洗硯池

病夫爛惰朝貪睡最怕車輪撼竹床
此地市聲來較遠輕雷隱隱過隣墻

移寓後喜魏禹平早過

莞桔庭幽愛客來籬邊一徑恰新開
曾經昨日爭棋處

拾得花陰墮子回

題蔡方麓修撰早朝圖二首

水精簾捲月如鈞侍史粧成盡下樓
比似早朝還較早不教君起看梳頭

花冠催曉漏聲微樺燭光中翠袖圍
未拂御爐香已透玉纖親捧上朝衣

暑中坐敬如西齋竟日

蕉心展卷放高葉藤蔓著花垂嫩梢
笛簟一床書萬卷紙窗南北綠陰交

西厓久患耳病詩以訊之

藥鎗烟氣散清晨薄病風流又過春
街鼓不傳眠較穩

砌花貪看眼長新對床尚憶聞雞伴一震翻憐失箸人
好與緝書報方法滿壺社酒乞比隣

喜雨對榻有懷西厓聯句二十六韵

觸熱來京師驕陽值乾暎平禹僑居隔隘巷欲出愁喘汗
夏濡髮頭濯冰燎毛背炙炭平禹爍爍火帝輪赫赫炎官
繖重夏鳥焚顛木巢蠅嘍削瓜案平禹居人苦燁灼行者防
糜爛重夏側聆清禁中一月做宵旰平禹魯史陳舞雩周詩
誦雲漢重夏不傳避暑銘每厓當食嘆平禹吏無酷可烹禮
有典乃按重夏桐魚瘞壇圻金雞釋狴犴平禹天心倏已移
雲氣滂不散重夏電雷震兢兢溝水鳴灌灌平禹急來扣扉
聲拉雜屋壁捍重夏捲書君劇喜踏屐我奚憚平禹榴蕊紅

洗粧梧蔭翠流榦重夏潤拚沾幔濕密愛拓窗看平禹拟饒

魚登拌戶小杯舉觥重夏鬱襟快哉披短幘頽然岸平禹雖

當醉眼纈未許鼻息鼾重夏憶昔斜街西吾友客僧館平禹

聯吟秋歷九聽雨夜過半重夏往事忽到心暗嗟流景換

平禹虛名三子曾失意二人但重夏預憂燭見跋莫聽響連

旦平禹凌晨過東隣老樹恣所玩重夏

古銅筆洗聯句狀如荷葉中有銀魚長半寸許三足皆作螺形

土花蝕已徧平禹雅製近宣和重夏片葉翠遮硯平禹一珠圓

滴荷重夏露鱗沈白小平禹烟殼帶青螺重夏欲遣詩塵滌平禹

濡毫墨幾多重夏

集槐樹斜街苦熱聯句此首已刻曝書亭集今附見

苦熱今年甚幽州亦蘊蒸朱茂久無甘雨降惟見火雲

升姜宸際夜焦烟合經天杲日恒徐善高林枯白帶淺泔

露丹稜王原最怕衝灰洞何須堰戾陵黃虞河流金口膩

山翠畫眉層朱彝尊黑蛺潛難見商羊舞莫憑萬斯同新畬

荒黍稷遺種慮螽蟥張遠零隊分行綴祠官典故徵譚瑄力

難驅旱魃咒乃試番僧慎行童女雙小髻旂竿五色繒李澄

中新粧朱箔捲雜戲綠衣能魏坤虹霓群情望塵埃萬目

瞪龔翔疾雷無影響長轂但輪較釋淨憲銷夏愁無策聯

吟喜得朋湯右曾盡諳微徑入不待小僮應朱嚴席帽人人

脫亭欄處處恁鄭觀劇談多野趣苛禮必深懲錢光旅

跡頻年共鄉心觸緒增茂小航思劃槳精舍憶擔簦宸

白剝烏頭艾青牽紫角菱原夕風嘶麥蛭橫港沒魚鷹

竹樹濃於畫篋籬密似罾尊千家花滿屋六月稻交勝

曾右自失江村樂翻憐毒暑仍斯黃沙隨扇集白汗比漿

凝遠易漬牀牀簟空支院院棚擔稀珠市果價倍玉河

冰慎槁落含香蕊攀拳裊格藤善暗窺蛛網縮乾拆燕

泥崩翔麟戶撒垂簾額瓶添汲井繩儼慵尋溫水浴只想

冷研登琦三葛衣猶重雙絲履不勝撥書嫌走蠹懸拂

倦驅蠅坤祇覺掌拖便誰甘襪穢稱觀到門防客刺無

地曲吾肱尊取買泉澆圃同貪草藉芳茂酒拚河朔飲

茶愛武夷秤宸返照斜初斂微涼暮可乘原分曹爭射

覆四座百觚騰慎行

驅舫消夏分賦涼蓬

平鋪一面蓆高出四邊牆雨似停舫聽風宜露頂涼片
陰停卓午返景入斜陽轉憶臨溪宅松毛透屋香

次韻奉送大司空翁公請假歸虞山二首

特賜冬卿上冢還履聲暫許撤朝班官情自領升沈外
物望同歸進退間圖畫重開供帳路雲山新署草堂顏
依稀文靖城南墅只隔蒼烟水一灣

布衣重上退賓堂多愧南豐一瓣香場屋感公憐被放

橋門回首憶分行如蓬旅跡仍難定似海恩門豈易量

不覺臨岐成雪涕車輪那得比迴腸公為國子祭酒
余受知最深

初秋同胡修予王令貽王文子林碧山程天石

家荊州小飲雙林寺荷亭上次韻

共喜聯鞍去精藍古堠邊斷橋花底鷺高岸柳陰蟬野
意迎涼爽秋容得雨鮮昔遊吾自記塵土夢二年丁卯
春與

時菴先生
小憇於此

題許壺山小影

共識丹徒一布衣曾將健筆動宸扉如今却伴梳翎
鶴縱有烟霄已倦飛

牽牛花十二韻同竹垞兄賦

添得新秋意幽芳豔一庭開長先七夕名許拆雙星宿
露涼初洗朝陽夢乍醒籬頭從點綴竹尾借娉婷徑淺
疑妨帽窗疎愛拂欄蜘蛛簷角網蟋蟀草邊亭垂處梢

稍碧分來朶朶青有人簾綠鬢無分插花餅輕較春天
蝶微黏雨夜螢宵形嫌鼓子妬鳥啄金鈴榮落誰相惜
涼暄爾慣經寫生煩妙手渲染上圍屏

贈如臯許嘿公

許工篆刻

曾摹一卷岐陽碣只作西周舊本看好古未妨生末世

成名終不藉微官

許曾宦閩中

眼中識字如君少老去知音

較昔難料合中原無手敵莫教旗鼓更登壇

嘿公向受知於合肥

龔尚書其贈詩有寄語揚州程穆倩中原旗鼓正相當之句

雨中同竹垞兄過恒齋飲次竹垞韻

僦居長喜接京坊但約相過便對床數點忽飄花外雨
十分初透竹間涼詩貪老境甘如蔗醉覺香醪味似糖

還有持螯餘興在隔厨燈火聽鳴薑

西郊雜咏與竹垞水村分賦五首

三虎橋

狠石怒趁人風聲挾秋雨馬驚左右顧橋滑路難取誰
呼北平守三發三飲羽我欲從之游入山射真虎

昌運宮

老鶴巢古枝虛廊交冷翠淒涼前代塚傳是張常侍煌
煌元老文苔蝕仆碑字賜域滿西山斯人或無愧

松林院

珍果充尚方嚴鐫守花木今年上供缺夏旱秋不熟僧
庖拾枯枿客飯烹野菽莫怪鳥來稀疎林葉俱禿

摩訶菴

修竹如高人閒花比靜女移根入廟市束縛吾憐汝人
生屬有役物性便得所及此憇茆菴秋光媚孤旅

元福宮

出屋聞遠籟入門走長松粘天百頃濤下有掉尾龍長
養紀何朝云自明武宗迴鞭促斜照紫翠凝西峯

次韻送卓履齋

等輩風流滿座傾不因入洛占時名半年旅跡萍漂斷
八月邊塵雨洗清家遠窮交愁易別路難歸計羨先成
長橋兩岸蘆花雪畫裏扁舟一纜橫

次韻送周林於歸梅里二首

結客曾經汗漫遊雁風吹落鬢絲秋誰憐豪氣除難盡
脫却征衫去叱牛

燕昭臺側酒壚傍別後親知半在亡傷青士分虎也重向溪南
揮老淚十年孤客始還鄉

次韻送高念祖遊晉中

一天霜氣上征袍獨雁離襟愛羽毛惆悵黃花燕市酒
送君時節近登高

天寧寺觀塔燈聯句同後一首亦刻曝書亭集

秋風鳴枯槐斜日薄西崦徐善並馬入寺門客衣罽毼欵
朱茂于焉展嘉覲一咲輟鉛槧高佑巡檐禮紺塔卓立
大且儼朱彞陳丹和暗粉古色剝渲染魏蹟仍開白舊

函并舍利崦

慎行

一十二重檐檐風鐸

善

蟠楹蛟夔

踞負礎鬼瘠

茂

飛梯絕階級白石奪琬琰

鈿

鎔金范

為燈設砌架成

廣

尊纍纍从蜂房歷歷覆蟹罍

坤

怖鴿

棲難安一夫敢走險

慎行

綆缶挽膏油豆火發星燄

善

初

如螢尾炫忽若獸目

調

或如爐欬炭或如竈炊枯

鈿

須臾繞扶欄散作四百點

尊

虛堂鑒纖毫老樹失掩冉

坤置身圓鏡中交光不可掩

慎行

氛烟看直上樓閣時一

閃

善

鼓鐘聲遠聞來者紛襍

調

提攜及童嬰羅拜雜

寺闍

鈿

營營各有挾邀福得毋諂

尊

禮義苟不愆寸心

又何憊

坤

玩物隨所遭誰能束崖檢

慎行

宵分梵放歇漏

轉人散漸

善

茗椀坐屢遷松關啟還店

調

衰年疲倚徙

禪榻擁衾篔

鈿

弦月墮側輪濕雲俄泫泫

尊

驟驚山雨

來昏夢豁嚙魘

坤

晨興矚林端餘燭尚未斂

慎行

九日雨阻天寧寺聯句

仁王塔祇樹林客九日期登臨

尊

木蕭蕭雨霏霏泥

滑滑愁人心

慎行

馬毛縮魚潦深行躑躅坐沈吟

魏

日月

逝年光侵去者昔來者今

善

別苦易思難任樽有酒且

酌斟

鈿

脫我帽披我襟折黃花試共簪

明

朱茂

送次谷兄南歸次汪東川祭酒韻

甞來那得久淹留八十高堂已白頭布被一床空戀別

人門半刺肯輕投黃沙草接新霜路紅葉燈移古渡舟

笑得過淮天氣好初冬風日尚如秋

送江補齋侍御巡漕長蘆次禹平韻

析津脈絡聯神京白河南注駛且清天開地坼三百里
樓櫓突起高崢嶸晴烟晝騰氣靄靄刻漏夜下聲丁丁
雄關屹立當海口鯨吐鰲擲誰敢撓雲帆舊轉吳會粟
鎖鑰西北收專城洪波浩漕百萬頃坐令魚鮪無滄驚
設官豈徒重筦笄畿輔要借桓驄行我聞利藪俗爭鶩
豪猾勢得搯重輕大賢當道積弊去不貴鷲猛惟廉平
燕雲趙魏達齊魯管內九月催王程蘆花雪輕點別酒
柿葉霜染飄前旌此時送君乘傳出四境藹若春風生
鹽梅往往調鼎鼐竚待妙手歸和羹野人留眼望天際
法曜正傍台垣明

王孟毅重至都門

我亦騎驢客粗知行路難六年三見汝辛苦渡桑乾

敬業堂詩集卷十

敬業堂詩集卷十一

海寧 查慎行 悔餘

竿木集 起巳巳十月
盡庚午二月

飲酒得罪古亦有之好事生風
勿加拍斥其擊而去之者意雖不在蘇子美而子美亦不免焉
禪家有云竿木隨身逢場作戲聊用自解云爾非以解客嘲也

送趙秋谷宮坊罷官歸益都四首 時秋谷與余同被吏議

竿木逢場一咲成酒徒作計太憨生
荆高市上重相見 搗手休呼舊姓名

劉魯封章指摘生滄浪大可濯塵纓
肯言預會皆名士

誰似君家老叔平

君別蓬山作謫星我從霧谷擬潛形風波人海知多少
聚散何關兩葉萍

南北分飛悵各天輸他先我著歸鞭欲逃世網無多語
莫遣詩名萬口傳

秋谷贈余詩有與君南北馬
牛風一嘆同逃世網中之句

初冬拜朱大司空墓感賦

城南舊是陪遊地一片蒼涼野哭中宿草墓門黃葉雨
亂鴉祠宇白楊風餘生削跡誰知己往事傷心我負公
肯信九原還有路人間何處不途窮

竹垞招遊白雲觀同錢鷗舫王令貽魏水村嚴
寶仍吳震一分韻二首

沙晴冬候暖古觀晚蒼涼一徑踏殘葉半庭餘夕陽泥

封丹竈合石護醮壇方華表依稀似蓬萊是故鄉

得方字

燕丘吾舊到逐伴記新春羽帳千年蛻虛堂四壁塵名

山遊已晚遺跡訪初真欲補儒仙傳欣逢好事人

得春字

重宿傳經書屋與愷功話舊次唐實君留別四

首韻

再來欣接席昨去惜分襟兩度平安字三年聚散心夢

中追舊事愁裏廢孤吟豈意麻茶眼重窺翰墨林

絕域身曾到名駒小最能膽教更事壯詩喜逐年增畏

客門長閉看山閣偶登故知關性分愛近讀書燈

欸欸留吾住依依見汝情硯冰融墨淡爐火撥灰明淺

夜談難足流年感易成雞頭池上月白髮照初生
易作匆匆別華堂費夢思暗鐘隨杵斷殘燭得花遲
待囊錐脫斑從管豹窺出藍真屬望慙媿我稱師

恒齋邀嘗桑落酒同竹垞賦二首

哆口長餅壓手杯隔簾鏘器為親開不愁更欠尋常債
每過朱家醉始回

石湖詩句也風流橘露松舫品最優五斗蒲桃真濁味
肯將石室換涼州

同竹垞水村步一莖菴登妙光閣

偶然聯客袂隨意叩禪關門徑忽新改居僧出未還
尖城上塔幾點樹頭山此處宜看雪危梯約再攀

善果寺

高林鳴枯風院淨如潑水時有杖藜僧下堦拾槐子

歸義寺

中有遼初石幢

地作隣人業苔侵破廟堦兩三碑背字猶記會同年

冬菊聯句二十韻

猶剩籬邊朶幽香伴小齋魏祇緣開較晚真與俗難諧

慎行憶植當松逕分苗傍秫稽坤一行頭並摘幾稜手親

排慎行未治蠹蕪黽先防虎似豺坤栽培從老圃束縛向

斜街慎行擔喜連泥買僮嗔甯雨差坤素心邀我賞倦眼

為君指慎行白酒重陽過清吟十月偕坤瘦窗圍竹几涼

路別慎行獵獵風捎幔紛紛月浸堦坤稍應愁雪妬

幸不被塵埋慎行采可筍新釀簪宜綴冷釵坤葉經霜後

斂花比節前佳慎行小塔燈雙影低屏水一涯坤落隨騷

客賦淡入雅人懷慎行寒色方凝榦新芽已發芽坤過時

拋瓦缶留種記牙牌慎行按譜名空羨餐英願尚垂坤明

年須放早慎行欲返荆柴慎行

口 淮園屬題小影二首

不知何處慎行晉潒潒峭削藤蘿側面峯喚起清風荅清嘯

濤聲飛慎行以高松

筇歸借白頭翁跣趺消得幾多地

何

冬

坦給諫宅觀倒刺和竹垞兄絕句四

首

樺燭枝枝細吐烟曲屏影裏夜如年索郎美酒者婆舞

醉倒蘇家藥玉船時介垣新得此杯

雙燕身輕拂地迴歌頭舞遍一回回問渠從小誰傳得

似按西涼坐部來

鐵撥檀槽急作聲六么鞞上一牀箏忽驚雷雨簾前起

殘雪開窗月正晴

薄薄粧梳楚楚伶酒邊孤客對飄零紅筵大有開元曲

別樣傷心已怕聽

大司馬合肥李公見示遊盤山十律兼屬繼和

敬題二章於後

泉石曾關十載心勝遊往往礙朝簪也知去郭無多遠
所喜探幽不在深紫蓋自開蒼蘚路紅紗長護碧山吟
滿空何限松篁韻盡入鸞歌鳳舞音
不教騶唱駭山僧竹杖籃輿取次登老樹傲霜還帶葉
細泉迎暖未成冰盤來磴道雲千疊遠處峯巒雪幾層
已失從遊吾自悔得披高咏興偏增

陸端轂索贈

五色邵平瓜一口韓康價古來高世士亦在長安下軟
塵堆裏記相逢歸夢時時寄短蓬筆床茶竈何年具準
擬尋君笠澤東

讀張趾肇徐安序冬日感懷唱和詩次原韻二

斜忽披新句感尤加路難不爲登樓賦
竹何心矜翠袖聽歌有泪滴紅

逢生

極不一君悲我亦嗟

榻吟

日搖一照影共淪飄雪侵短髮雙雙

寒入深杯九九消

血梅偏早綻向陽籬菊未全

相期並了殘年

詩句遺寂寥

奉送玉

尚歸五十韻

不儒出處途秉

日斷進詎關命

公女

出朝野慶臯夔奮事言媚詔令放

棚六合

豈易竟立朝二十年風節嚴且勁高文

心論大

拔証以茲契 聖情題扁字輝映交字由

德心愛

敬國家有元氣培養在交做儲材本報國

袋記名

若入以羅先須覈言行春秋兩校士

鑒中外瑩大匠洪陶鈞劍光出磨銍別裁務去偽崇雅
自刪鄭豆不歎才得人際斯盛煌煌起衰手草野議
敢橫中流砥狂瀾公論翕然定官雖謝執法講每直崇
政休沐有常期歲時奉朝請從容大臣體恬退君子性
朝來忽拜疏辭切回天聽 帝曰卿往哉疇為執文柄
答云臣力憊感激泪交迸告歸遄俶裝首路春維孟
詔以書局隨還家就叅訂牛腰一百車多與二酉競方
輿廣樂史續鑑改陳桎高館闢翹材名流撤徵聘

謂美西道

黃俞邵諸君

遇榮一時絕典曠千古負樂天 似似司馬馨

華僅鄴侯未足論矧可擬張邴平生以洪處父老喜相

迎太湖洵幽絕天水俱綠淨七十二烟鬟一一落明鏡

公將開書局於洞庭山

八窗陳鼎彝四壁開 盪盪清音絲間竹逸

響鐘苔磬鶯花晨赴社魚稻晚

辛 禁暑衫便苧葛臘釀

雜賢聖著書閒有餘即事樂難罄小子學無成風塵困

趨趨影慙舞袖短顏讓時粧靚饑朔行自啣寒郊語尤

硬迂疎頗知量鬪捷肯爭徑振翅無雲霄觸落

蹉跎曩悔失鹵莽行恐更世自傾波濤吾方溷

重

來仰翦拂鬱抱實柄柄公在士氣仙公歸士氣

願于邁百感發孤咏

時相約同出都

送許朔方之雲中

昔我未識子先與錢生木友菴亟言平生驩三許不去口

賜谷詩絕倫南交畫無偶朔方年最少蘊蓄靡不有次

第獲論交前言果匪苟燕臺昨于役小許實先後甲子夏

王友朔方茫茫人海中相左十八九移時一把臂歎

心互剖吁嗟輕薄兒覆雨數某某勤拳托末契所得白

已厚方知情親疎不係交整久風塵有岐路南北莽分

手錢生走從軍余去扶病叟重來會合地驚顧各衰覬

慷慨倚和歌淋漓藉杯酒子仍青兩鬢末座獨昂首也

復可憐生雙顴削而黝須臾雙耳熱擊筑聞鼓缶疾風

掃河梁挽斷塞門柳前歡今偶續知有後期否故人諸

曹郎出作雲中守子行赴贊畫側翅義奚取行踪等飛

蓬離緒如剪韭長亭七十五山勢西北走并州非故鄉

却立望南斗

題許霜岩畫扇

風前撩亂萬梢柳柳外天斜一扇蓬箇是儂家舊詩景

江湖回首畫圖中

鳴鶴亭詩為關中張鳳舉賦四首

不織筠籠但築亭紅欄日日看梳翎人間只有張公子

合向天河伴翼星

隔窗長聽讀書聲識字多來品倍清金城衛氏鶴日飼以粥教之三年能

識應咲六郎才思劣羽衣刻木坐吹笙

飲啄依人不自持都緣骨瘦便稱奇雲霄儘有孤飛處
偏愛亭亭獨立時

丈八坡陀尺五天侯門如故客如仙憐他一片氤氳影
曾上羊公舊舞筵鳳舉為靖
逆侯少子

題沈客子寒郊調馬圖二首以下庚午
春初作

潑墨揮毫事事能帶腰吟瘦沈吳興如何却向漁陽道
粘帽茸裘學按鷹

小益戎裝悔浪遊不成投筆取封侯殘年射虎非吾分
白石山南去飯牛

西城別墅十三咏新城王清遠屬賦

雲氣朝出岩亭陰滃然接劃分一片影側展屏風疊浦

口有漁榔落帆如斷葉石帆
亭

戢戢犀角雛斑斑鹿皮籜春來頻改路客過行長錯欲
斬又躊躕萬竿殊不惡徑竹

秦封五大夫兩生獨不肯托根此得地雙榦鬪清迥老
鶴暮歸巢殘陽在高頂雙松
書場

虎目逃斧斤輪囷誰惜汝薰蕕自然別靈蠢性所予材
與不材間揣兮知自處大椿
軒

九子得其三五老失其二一峯復一峯峰峯不相似雖
非木假山可少老蘇記三
峯

蝴蝶滿南園風輕草初剪林霏入烟霧古洞春猶淺好
去向龍岩築菴名碧蘚小善
卷洞

迴溪轉灣濃滴翠如滴乳岼容兼水色遮斷橋西浦一

卷落床頭春深夜來雨綠蘿書屋

不離文字禪半偈亦已多何異百千萬烝沙散恒河蓮

華清漏底晏坐夫云何半偈閣

蒼濤翻半空清響一聲作頑仙不耐聽下有側頂鶴夜

深忽飛去簌簌衆星落肅臺

鵲山出林郭高處割一拳坐令諸兒孫羅列丈人前對

之能下拜米顛豈非仙石丈

草外瑟瑟波波平兩三頃紅鱗尺半魚倒嚼桃花影西

堂夢初覺佳句時一警春草池

仙犬吠靈根鴉耨往堪劔曾隨康樂屐竟入麻源谷一

咲却歸來披圖作橫幅小華子岡

耕犁起同晨牧笛行向晚小庭閒倚杖正值唱歌返杳

杳漸無聲去村知近遠樵唱軒

將出都門感懷述事上澤州冢宰陳公一百韻

當代中天治千秋一德期大賢多間出鴻業並昭垂夫

子金閨彥名家玉樹枝傳天飛鸞驚拔水出蛟螭理學

源流泝文章談咲麾魏科仍早掇雅望迥標持館閣迴

翔地風雲獻納資居高懸藻鑑集益藉論思博物時無

亞多聞議必諮六曹兼掌故九列讓委蛇共指文星煥

寧關好爵縻網維張有自津涘挹無涯溯厥流風遠恭

惟樹德滋晉陽丁未李濩澤徧瘡痍團結因鄉社招搖

荀業堂詩集卷十一
視義旗千村同保障一姓獨登陴布置隨方畧分明受
撫綏險憑雙堠設烟合万家炊寇至呼咸集歸窮戒勿
追宗人全鐵軸隣叟穩耕犁歲事重憂旱并民又阻飢
九重加軫念百族尚厓羸焚券情相卹嗟來事可嗤甫
田憐士女世祿散京坻積貯崇朝盡陰功里老知當官
嗟覆餗扣戶仰由願及見家餘慶方知善可爲潤沾千
里遠力賑一方疲地近瞻恒嶽川長入晉祠午園留獨
樂甲第拓前規好古兼金石搜奇及鼎彝異香黎峒結
秘色汝州磁畫幃多裝軸書囊或借瓶筆馳中壘陣墨
洗右軍池弟子河汾盛宮墻魯國推名爭歸夾袋坐愛
傍紗帷手引烟霞上情均雨露施賢良承漢策雅頌叶

周詩至化行如此斯文儼在茲升庸 朝有道羅致野
靡遺竊喜逢時泰翻成歎數奇異材胥奮發蹇足獨顛
危詎敢誇華胄聊因述鄙私婺源分未泐海表發南支
大理馳封啓中丞畫戟移澤流京兆厚禍發黨人奇世
廟當中葉分宜位鼎司彈章辭激烈伏闕涕連瀉嚴譴
孤蹤逮流官絕域羈左垣言幸中東市魄終褫門子承
堂構文孫接履綦謝宗經鼎盛裴眷有中哀五葉傳清
白全家際亂離兵戈屯井閉榛棘變堂基春誤尋巢燕
秋荒插菊籬先人旋遯跡壯志局茅茨比杜經天寶如
陶閱義熙流光傷易邁風木感先萎小子真無似孤懷
忝自惟墳笈偕伯仲弓冶學裘箕蚤被儒冠誤長遭俗

目欺升沈渾莫定矩獲恐長隳蕭瑟囚山計荒唐捷戶
貲不成終泯沒那得避欬崎會有從軍役寧甘伏櫪悲
黔山峯轟轟楚水浪差差鉦鼓淵闐發簫笳斷續吹征
夫攀塞柳野客咏江離戎事從人問行間借馬騎瘴林
棲狒鷲箐谷竄狐狸耳聽鶻啼血心驚觀築屍書紅烽
乍舉月黑路偏欹短褐星埃入遐陬露布馳圖披新聚
米局按着殘棋橫草名空挂封侯望本癡飄然辭幕府
逃矣走京師古有矜懷刺時方薄處錐姓名埋失路出
處謝端著徒步親頑僕低顏向細兒幾逢收駿骨深畏
妬蛾眉久抱違時性兼無媚俗姿泥深蹄蹙躓風逆羽
襜褕逐伴聽謠曲無聊托酒卮波瀾人海濶竿木戲塢

隨照壁寧防蠖吹毛竟得疵任安書未荅朱穆論何疑
夢或驚沙蜮歸將友澤麋棄繻知昨失鑄鐵悔今遲不
謂逢韓愈猶煩說項斯感公寬禮數容我揖堦墀未有
阿房賦徒懷北郭絲迂疎疑寸管許與到單詞岫置干
尋壁弘開八達達春陽蒙煦噢霽月睹光儀欸欸憐才
意依依戀別時爨薪餘樸檄鍛竈仗鑪錘黷隸雲敷土
微茫海測蠡義高攀莫及身賤語終卑此去鞭重把何
年閣再窺鷗波殊浩蕩泛泛問何之

送徐道勇宰順德

萬里驅車路韓蘇蹟尚留往時愁謫宦今日羨吟游邊
海夏無瘴看山朝有樓感君懸榻意謂我是詩流時相約同

行余迫歸
計不及赴

酬別許暘谷

男兒有才人見之如眉在額指在掌蘭苔翡翠大海鯨
相去中間幾霄壤天資必從學力到拱把桐椅視培養
方今儕輩盛稱詩萬口雷同和浮響或模漢魏或唐宋
分道揚鑣胡不廣何曾入室溯流源未免窺樊借依傍
我持此論嗤者衆同志吳中乃得兩惠生元龍格律最謹
嚴錢子玉友才情殊倜儻不知此外復誰敵晉楚居然互
雄長得君忽訝鼎足成一戰三分定擾攘君才自是詩
中虎盡遣風雲歸俛仰蜀江到解一萬里岱岳登峰八
千丈有時分派蓄烟波間亦浮嵐滄林莽初看澹沲與

神會倏轉玲瓏非意想書評取瘦嘲杜陵畫品近肥关
周昉穠纖斟酌雅粧宜骨月停勻神駿賞愛君此境口
莫喻俗手安能事撫仿彼非識者勿浪傳若有知音必
弘獎余雖好吟久成癖所業未充終恟恍邇來屬藁輒
欲焚偏仄無端櫻世網徒將字句供拍摘豈有聲華出
標榜此時披豁喜相從乍挹西山朝氣爽論卑引我爲
同調鳥爪時時發背癢君辭愈降我愈慙文繡飾犧母
乃枉皇天老眼不到地半世駢馳絆塵鞅三間草屋百
索田願本非奢力難強我今忍飢亦決去麋鹿山林合
長往閉門更讀書十年尚冀成章附吾黨故人倘記臨
別約鬪鴨欄邊好相訪數折溪橋蕩槳迎歌聲正出蘋

花港

夜飲槐樹斜街花下
酬別竹垞水村

丁子香邊欄檻小
桃花底杯槃厨燈隔院人靜社雨添
衣夜寒殊方賦別最苦失路還家又難
懊恼鶯啼時節
相思多在春殘時余將南歸

酬別譚護城都諫

知己無如我少交情得似君
難獨留一榻相待長把深
杯對乾宣武門南舊宅
虎坊橋畔扶欄可惜手栽紅藥
花開又讓人看虎坊橋東舊寓去秋曾種芍藥八本余將歸君又遷居故未云然

題壁集

起庚午二月終六月

玉峯大司寇徐公

予告南歸奉

旨仍領書局

出都時邀姜西溟及余偕行
兩人日有唱和旗亭
堠館汗壁書牆率多口占之作
本不足存存之所
以記行跡也

早出彰儀門魏禹平談震方沈客子
追送於十里之外馬上留別二首

已着征衫上別鞦道
傍何意復停鞭人生聚散原難定
又算班荆一度緣

杏蕊開時柳葉新
眼明羞喜出紅塵京華回首無多戀
萬疊西山幾故人

長新店重別孫愷似王令詒嚴寶仍劉大山家

荆州兄三首

尚書書局出隨身供帳爭看祖道新
轂鯨車輕啣尾去
可憐我亦一歸人

壞壁尋詩又一回
殘尊重洗別時杯
不因此去添悵
輕跨征鞍自悔來

別期長短路連綿
春淺漁陽二月天
却檢曆頭同此日

驚心南北忽三年
前年南還去年北發今東裝出
都俱二月二十一日亦一奇也

良鄉次西溟韻

乍來灰洞喜無風
馬足殘泥曉漸融
料石岡邊春雨晚
廢田無麥草葱葱

琉璃河次湯西厓壁間韻

目痕紅曙露初晞
草色迎人欲上衣
頓覺水鄉風景好

一群野鴨踏波飛

寒食過涿州和西溟

柳色初濃凹字城
胡良河上偈清明
故園三百長亭外
貪得花時一月晴

清明新城道中

縣南風颭酒帘多
澹澹新烟瑟瑟波
一路人家齊上塚
紙錢飛過白溝河

白溝旅店見亡友鄭樊圃舊題
愴然有感同西溟作

一鞭重度瓦橋關
落魄星埃鬢各班
忽見故人題壁在
轉憐爾我是生還

遇趙北口晨餐得魚戲和西滇

森森波光漾碧虛中央一帶是民居綠楊影裏曾竿起
彈鋏人歸食有魚

任丘遇禹司賓尚基歸自閩南以蜜漬荔枝分
餉

易粟寧桃已厭嘗愛聽風味說南方費他陸賈千金橐
與致紅綃十八娘

商家林早發

村店荒荒殺漏遲喚回殘夢眼迷離曉星一箇明如月
及取朝陽未吐時

冉家橋

楊椿夾岸草抽芽一綫枯河萬斛沙記得去年鞭馬渡
滿渠春漲拍桃花

景州次西滇韻

時畿輔
苦旱

自從騎馬出春明滿眼流移愴客情此日畿南行向盡
喜逢田婦餉春耕

平原口占戲示西滇二首

碌碌因人事竟成當初原未識先生處囊脫穎渾閒事
何苦區區自請行

若將毛遂比夸門知己何人合感恩却咲能詩李長吉
信陵不繡繡平原

夜雨

倦枕更闌睡不成
白楊葉戰雨來聲
油燈欲滅尚未滅
暖電隔窗時一明

從十里望抵晏城

春暎雨潤少飛沙
別取林均一道斜
紅袖倚門桃傍井
又緣迷路得看花

大清橋

風柔自覺輕衫便
山近微嫌濕翠多
日暮大清橋畔望
一叢春樹擁齊河

崗山

古驛東來路一灣
萬枝翠栢護蒼顏
不知斤斧迹何幸
大似吾鄉近海山

上巳泰安道中和西濱

平山堂畔忽經年
又是荒程上巳天
慙愧漿家供野味
樹頭小串摘榆錢

欲登岱不果戲東周通守燕客

潮白三更開島嶼
烟青九點散齊州
輸他監稅周簽判
日日肩輿到上頭

羊流店

峴首沉碑事渺茫
空傳有淚墮襄陽
居人自重羊公里
未必英雄戀故鄉

新泰城南望蒙山

翠岱孤抽碧玉簪
群山餘勢失嶙嶙
晴雲忽斷東南角

又露東蒙一兩尖

發蒙陰至青馳寺

桑邊棗下嗽崎路亂石堆堆數驛亭野草不知春意好
燒痕三月未全青

渡沂水

白沙沒髀水平腰舟子招人上小船指似翠華南頓路
舊年此處有浮橋

三月初九日自郟城看桃李至紅花埠二首

枝枝能白復能紅光景年時約略同行過曹村貪小住
雙禽對語百花中

油菜花開十里黃一村蜂蝶鬧斜陽明知尚隔江淮岸

風物看看近故鄉

官柳

種柳河干比伐檀黃流今已報安瀾可憐一路青青色
直到淮南總屬官

大雨早發宿遷

洶洶波聲響濁流疾風吹雨渡潮溝眼前一事差強意
河北人家麥有秋

晚晴入桃源界和西溟

鳴鳩聲裏發孤城行到桃源落照明一色東風占兩候
曉程催雨暮催晴

渡河

沙雨晴來日氣和漲痕

帆多春風吹過桃花信

啼鳩一聲人渡河

淮安上船

厭聽鈴聲愛入舟只應洗耳向清流
辨香夜謁淮神廟 夢穩江南第一州

過喬石林侍讀縱棹園

一天風雨禁茶蘼紅藥空欄信尚遲
只道淮東春已盡 鴨桃猶剩兩三枝

喬侍讀席上贈歌者六郎

欲顧曾無一字訛子絃徐引曼聲歌
青衫憔悴無如我 酒綠燈紅奈爾何

高郵舟中

蔣牙荻笋碧於天涸水瀕湖出葑田
鷗鷺較多人較少 斷橋邊有賣魚船

揚州遇杜蒼畧

龍眠方邵村又繼黃岡歿謂令兄饑江左風流跡已陳
今日聽君談往事如逢天寶舊宮人

王羲文間復申招同西溟泛舟紅橋二首

誰家園子得春多繭栗梢頭花信過
一曲紅欄隨棹轉 綠陰濃處忽笙歌

十里珠簾廿四橋百年花月履綦銷
多情愛拂遊人面 尚有垂楊萬萬條

西溟談及竹西舊事戲調之

綠楊書盡記停船一夢揚州又十年見說伎樓渾冷落
鬢絲誰惜杜樊川

阻風瓜洲望金山

狂飈高駕海豐開雪浪千堆倒捲迴霧氣欲吞吞不得
紺宮浮出小蓬萊

月下渡揚子江次西溟韻

妙高峰下曉鐘撞隔岸吳船正發幫風露一天人擁被
櫓枝搖夢過春江

虎丘後山人家

築岸開池別有津小橋低映碧鱗鱗河豚上後魚花賤

多少山根種水人

閶門卽事

穠花剛被樓遮却又見隣牆出好枝一種風光誰管領
金閶門外暮春時

吳江

鱸鄉亭畔麥垂芒水落潮田已半黃曲折支流通小港
家家門外有船坊

禾中田家

到耳初聞鶉鷄啼平疇小稜趁高低茅針已老桑芽嫩
時節人家正簞泥

過梅里訪朱西駿

也知陟岵意仍違纔得還家換袂衣爲報而翁吟望久
白頭京國苦思歸

竹垞先生尚留燕

題家保三兄小影

分無擁髻對伶玄赤脚歸仍侍玉川怪得披圖還一咲
破窗難燭看神仙

題西峻月波吹笛圖二首

苔樣蓑衣綠蓋篷輕篙閒插月明中水禽兩兩背舩去
獨倚蒼洲一笛風

一天雲細作魚鱗千頃頗黎瀉濕銀解聽鶴南飛曲好
不知誰是倚樓人

柘湖感舊和徐淮江

滿湖輕浪綠差差別樣風光兩度期楊柳半帆春載酒
薔薇一硯雨催詩未知此後花誰主可惜重來髮已絲
早是驚心八年事夢闌燈炮不多時

齊門夜泊

扁舟蕩漾具區東使盡西南一日風到岸帆檣烟幕幕
隔河簾閣雨濛濛忽來人語蛙聲外亂颭燈光水氣中
也識去家今較近酒闌依舊感飄蓬

吳門喜遇田間先生

髮光如葆氣如虹強人間八十翁最喜塵埃經歲別
還看筋力舊時同文章有品傳方遠風雨藏山業未終
藏山集先生未刻詩文也指與一星人盡識少微今日客吳中

崑山劉改之先生墓和顧伊人

哀壑無人叫杜鵑馬鞍山麓古墳邊東齋路沒荒榛雨

東齋先生祠北郭人犁斷碣烟湖海尚疑豪氣在姓名

堂也今廢翻藉布衣傳冬青種後諸陵廢南渡君臣更可憐

題沈石田秋江待渡畫卷

晶晶波明蠅舍苔苔路轉漁灣落葉聲中問渡浮萍影

裏看山

題陸漢標墨菜圖

小圃朝來露未晞早菘青脆晚菘肥老饕不要園官送

直擬從君攫畫歸

武林寓舍少司馬楊公以鮮荔分餉賦謝

絳囊移得洵仙才珍重瓊漿贈十枚不向紅塵馳驛到

却從碧海販鮮來色香尚覺熏肌好冰雪真隨咲口開

只是野人慙過分恍疑身自雪峯回

范石湖集四明海州自福唐來順風

四殤詩

家貧望多男如農力苗畝將期秀而實焉得辭勤劬吾

家兄弟間盛事傳鄉閭仲氏艱舉子前年獲騶虞季子

善生兒爛熳引眾雛我兒稍長成次亦舞勺踰豈不顧

恩誼未免督責俱嬌穉尚無知愛憐併屬渠阿巢甫七

齡性慧早讀書近尤喜作字狼籍塗墨豬騶虞頭角好

秀眉清兩臚學語無不能舌本驚老儒阿載方斷乳氣

慎行高浪騰誰簸方當戒舟杭河圖矧迺疲鞍馱溝圳濘齊
 腰慎行田塍淖沒髀落衣妥兩肩河圖烟殼背一箇栖畝占
 來牟慎行分秧滯秔稔青葱卓針立河圖黃萎垂芒臥造物
 有暴殄慎行農功豈媮媮乾土盡翻沈河圖漏天難補破餘
 飛遠乍散慎行晚色晴微作暑濕旋復蒸河圖壯陰那肯挫
 走章牋碧翁慎行苦雨毋受賀河圖

敬業堂詩集卷十一

敬業堂詩集卷十二

海寧一查慎行一悔餘

橋社集起庚午秋
終十二月

橋社在洞庭東山之麓劉氏取以名園秋冬間假
 館於此與書局諸同人唱酬不少膠城張漢瞻為
 鏤刻于吳中者非足本也

將赴洞庭書局雨中與徐淮江別二首

一領西風季子裘亂砧聲裏又殘秋人間尚有君憐我
 每過南湖作少留

小港平橋宛轉通船頭一片採菱風孤燈十載江湖雨
 腸斷蕭蕭此夜中

曉發胥口

半浮半沒樹頭樹乍合乍離山外山借取日光磨一鏡
吳孃船上看烟鬟

渡太湖晚至東山

秋水如膏滑上船峭帆衝破五湖烟豈知地少雲多處
別有橙黃橘綠天枕簟欲清他夜夢杖藜行結好山緣
詩人愛入雞豚社橫烟裊處雞豚社范石湖遊東山詩中句只欠躬耕十畝
田

山居詩次大司寇徐公原韻三首

得從林屋賦閒居勝駕還朝四望車萬頃波濤憑檻外
一天風雨落帆初龍威寂莫重搜字笠澤叢殘舊著書

便與伊川同擊壤何妨問答到樵漁

公歸海內重儒宗不數瑯琊邵昂

烟朝翠掃寺門松晴來片片雲般

見說莫釐峰絕頂時陪五老握

落托生涯最善愁慙來我亦欲

次第看花已過秋四壁書多仍草

西山勝概差能說興到還期爛熳

張漢瞻有喜余至山中之什

啣尾船開古渡頭榜聲導我向中流似

不比無聊賦獨遊坐擁畫屏長對榻

必登樓因君撥觸聯吟興豈可湖山

同徐敬可吳西齋張漢瞻
陰雲解駁日光穿行盡松門始見
樵歌時出斷碑前經樓晝靜孤鐘
我欲問龍還乞水與君洗眼對

遠翠閣和漢瞻韻

處士留陳迹

閣為陳眉公所建

軒窗背世

濕亭臺林僻僧宜少天晴鶴未迴

重來

微香閣次敬可韻

蘚徑碧侵遊子屐楓林紅上羽人衣
坐看香烟成翠微

二峯和漢瞻韻

與莫釐並所爭惟一拳未應甘出袴
湧東隅日雲垂北面天短筇如健僕
扶上最高巔

登莫釐峰二首和漢瞻

月天七十二芙蓉個是芙蓉第一峯
不南無水不朝宗盪空日氣消飛蜃
拔地風聲穩臥龍
日記岳陽樓畔望肯教雲夢芥吾胸

口層風磴盤旋上大似鞞鷹乍解條
放眼不知何處盡

且身直覺此峯高沈沈海浦黃雲岸
點點吳帆白鷺濤

个免傷人唾好事重陽已過興仍豪

時重九後四日

敞雲樓次顧丈景范韻

堦墻高下列丹楓平視茫茫但碧空地迥最宜千尺上
京竒獨占一山東湖光夜閃疑飛電磴道秋垂似偃虹
夕媿元龍豪氣在每聞清嘯發樓中

姜西溟繼赴北闈今仍下第作詩招之

散是飛蓬聚是萍可憐南北總飄零一名於爾何輕重
雙眼從人自醉醒沙路離離鴉接翅霜天矯矯雁開翎
此愁除有詩能豁取買歸舫下洞庭

題劉氏東樓

連山正缺西南角合有高樓面太湖不許遊人誇目力
淡雲濃日兩模糊

出雲篇和西齋

以東得名羅列非一嶺兒孫丈人行屈首殊未肯今
晨天忽雲晴色變滄洞蒸蒸氣浮盞冒烟上井衆峯
處囊中刻露錐出穎一峯獨埋沒有物踞其頂陽烏從
東升對射却無影林寒不受照萬象淒以冷大風西北
乍作力一何狂奔逃脫鱗甲破碎寧復整正賴湖腹寬
吐吞在俄頃山人耳目炫夢囈喚初醒重看莫釐高乃
石裘挈領

送田間先生歸桐城兼寄高丹植明府

兩篋詩文手自編秋風攜上皖江船氣吞湖海豪猶昔

老閱滄桑骨已仙愁裏豈堪論往事

先生詩集中有與先君子長干酬答

可部中容易著高賢馳書早報樅陽令薄少時應致俸

菊

一分沿溪細作行開時何必定重陽
畦丁自愛無他種
榴連山一例黃

山樓曉起

枕上秋風疑有雨覺來已是日高時
拓窗簌簌隨黃葉
鼠驚人竄別枝

晚窗即目

變態多從咫尺看只爭濃淡淺深間
斜陽已落月未上
烟外數峯如遠山

木芙蓉索漢瞻和

拍微丹鴨脚黃爭將病葉領秋光
後時猶作好顏色
爾一枝紅拒霜

自題放鴨圖小影後四首

煩妙手寫吳綾未必扁舟興便乘
一咲披圖還作識
心來真箇住松陵

水蘆根啞啞聞背蓬
公尾雪紛紛湖中別有東西鴨
心向遙天莫亂群

絕佳名屬兩山新詩多著畫圖間
放船不怕人爭路

占儂家第一灣

用低欄照水紅一竿活計趁樵風
江湖老伴憐渠在

恨長隨州角翁

食橘二首

樹垂垂顆顆勻山家生計不愁貧若教朱實仍包貢

得分甘到野人

洞庭貢橘唐宋時有之至明始罷罷
佑宗吉詩有玉食無緣進上方之句

園一百二十樹摧壞年來成橘薪每到霜前悲手澤

裏又嘗新

西園橘栽先人手植也已
已冬寒悉皆凍斃故及之

漢瞻自洞庭先歸詩以志別即次見贈舊韻

息索

窮忙草根啜唧唧蟲鳴霧尚慙皮陸作唱和

李杜爭光芒君詩盡納三萬派山骨巉巉波洋洋

欲來執牛耳取徑故險迴羊腸林深霧黯蓄幽氣

雨霽開晴光吟從舌端作倔强寫向紙面生低昂

工遲似司馬容我咲傲林泉旁憶初弭棹同臥起

山臂登高岡穿松踏石困俛仰攀躋中道多徊徨

峯忽拔二千尺快劍磨出蓮花鋸聳身側足狂叫絕

平竒境得未嘗二湘七澤舊雖到却溯洲渚舉孤芳

金荒臺感燕士畫棟高閣悲滕王十年浪走癡已極

蹤脫畧失故鄉星埃大咲一回首攝衣纔謁三高堂

嗟筋力就疲憊漸遣興趣成頽唐眼前又當搖落候

不葭露白秋蒼蒼不知此中有何樂對爾意氣還飛揚

芳兒生涯志未豁善刀合學庖丁藏百觚醉汲隣叟甕

一枕倦寄高僧房得道在先成佛後茲理反覆天應償

廷人但拜孟東野去我獨惜張文昌扶筇縹緲有夙約

典漢瞻約游
四山未果

肯計盜底無餘糧風波衝冑總為此子今

求書我亦將行當長謠蒼黃竹不爾妙曲賡紅桑鬱鬱
誰能耐離索空樓夜雨思連床年來万事經眼見窮達
寬分姜與湯不分窮約姜與湯漢瞻舊句也謂西溟西厓舊遊如夢那可說

祇有末路堪評量名山業豈異人事慎勿屑屑耽詞章

夜坐有懷張漢瞻吳西齋二子相繼別去

山谷天早寒經檐白日速夜長耿無寐愛此一寸燭展
卷乍沈吟開軒屢躑躅我唱和者誰凄其感幽獨別時
秋林下錦纈黃映綠幾日不上樓敗葉忽已秃悲風颭
然起槭槭響枯木靜覺流光移暗傷懷抱觸小僮強解
手隣釀貫新熟酒罷還夢君湖心浪如屋

重登莫釐峰望吳興諸山

吳會諸峰繞作環荆溪百瀆瀉成灣西南遠景新收得
一髮螺青是弁山

從渡水橋步行至武山小憇吳氏園亭十四韻

過橋纔半里空濶得平原野艇冬簪渡斜陽穉稭村晚
來魚論斗吳志云吳俗以斗論魚二斤半為一斗僻處犬依樊歲稔松醪

賤秋辭社鼓喧草根驚雉起洞庭志東山有雉而無木

未見鷓翻面面帆移岸家家水到門泉清能止渴山淺

易尋源又接攀躋路重窺種植園罽衣橙刺密耀眼橘

頭繁舊葉荷傾沼新泥菊上盆苔滋行每滑石好坐能

溫隔竹傳壺箭隨花倚畫軒何須問生理即此是仙源

遠色蒼然合歸途月有痕

欲往豐圻看楓葉爲雨阻

山中築居如築城往往人家背山住連街接巷北通闌
雖有林巒無曠趣做雲樓東鴨脚木亂葉成堆稍通路
此中合着杜門人一月出遊凡幾度我生夙嗜久撥棄
祇有吟情剩如故頗聞人說豐圻勝况有丹楓照秋暮
魚蝦市遠風不鯉橘柚園深香作霧朝來折柬約溪友
預飭晨炊治遊具住山復作遊山人此事寧防天亦妬
初看靄靄雲似墨忽聽淋浪雨如注客言万事難逆料
投足無端動關數豈知勇怯總由人老嬾逡巡坐自誤
憶當涉世氣鹵莽浪走風塵飽霜露衝泥驢背不自惜
到此翻令限跬步天工作意不肯晴明日披蓑杖藜去

大雨同胡拙明閻百詩登湖樓

天聲拔湖洪飛上巨鯨背歎空作猛雨倒射怒百倍万
木助一喧掀騰走群怪樓孤若搖動勢已岌岌殆雲頭
排窗來山影忽在外目存思欲絕境變奇乃最我詩苦
難工傑句應有待

順風渡湖瞬息抵胥口

匹練掣柁痕虛弓曠帆勢不知小榜迅但見青山逝孤
塔表靈崑卓針辨湖滙須臾忽到岸轟轟在天際

虎丘晚泊

山淺橋平水一隈幾株紅樹寺門開從看小景如盆盎
新向湖天放眼回

拔白詩并序

昔蘇子由有白髮近二十年虔州道人王正彥教令
拔去以真水火養之從其言數月而白髮不出因作
詩自言拔白之驗余今年忽有白髭二莖攬鏡鑷去
且三月矣竟不復生喜事有偶合者因用其意作詩
一章然養生家言僕固不解也

人生疋庭樹官骸乃皮膚樹有花與葉人有髮與鬚花
葉本整榮鬚髮那不枯我今過四十貌作山澤臞憂患
煎心神奔馳瘁形軀早衰理則爾何用長吁嗟雙鬚久
星星見慣習與俱白髭忽新變刺眼生躊躇我欲撚使
斷苦吟徒自愚我欲媚後生染之非丈夫不如竟拔去

誰能忍斯須初若蠹蝕葉幾片離根枝又若耘除稂良
苗漸蘇蘇爾來九十日萌蘖喜絕無養生素乏術寸田
任榛蕪何當劬黃精白髮併掃除

朱雪鴻移居詩和梨洲先生

蘧廬天地總羈棲爪跡何煩苦印泥招隱莫分山大小
卜居難定讓東西一舟最穩裝書重四壁初安待客題
終勝梁鴻依廡下年年井臼累山妻

雪夜發玉峯數日前沈昭嗣呂山瀏顧書宣先
往洞庭作詩寄之

落木灣頭雪灑燈臥聞漁子尚牽罾寒光潑被夜如月
野水割船冬始冰風逆不知何日到山高宜及此時登

湖天霽色詩兼畫待我舟中酒二升

從橫塘晚至木瀆舟中寒甚

西北風狂野氣昏船窗擁火取微温殘陽正墮塔邊寺

雪未消湖外村木盡脫時喧鳥雀稻成堆處散雞豚

歲晚不歸客對景躊躇思故園

雪後曉渡太湖

風吹斷黑頭風寒日初生血樣紅一片湖山新着色

螺浮白碧壺中

次韻荅趙蒙泉閩中見懷之作

長年來已貫經忽披佳句又心驚計疎更事多成悔

賤依人自覺輕壺口欲從敲後缺劔鐔猶發扣時鳴

來詩有先生豈以不平鳴句短檠牆角差難棄賴是看書眼尚明

王令詒自閩歸出示途中見寄二章次韻奉荅

頭船尾榕陰綠城北城南荔子紅懊惱此中多賦別

遊從古幾人同右荅南浦見寄

自攜驢券出都城草草裝隨短策橫失路歸添遊子淚

加餐書荷遠人情愁隨越鳥方南向懶趁邊鴻又北征

不用苦教詩激楚漫天風雨正秋聲右荅晚泊見懷

送山瀏自洞庭歸塘西兼寄張介山陸厚容金

子由諸子

無多唱和留君集來往真如相避然一葉驚回三載夢

兩萍漂散五湖天新書著罷從人笑善病同時得婦憐

山劉開嫂夫人好向橋西呼酒伴放狂作達過殘年
抱病已亦致疾

雲石菴和書宣韻

一徑入雙塢菴在大塢小塢兩山間遙從澗道求泉枯行汲遠竹
密得窗幽日氣通停午濤聲捲上頭踞高真得勢矮屋
也如樓

白龍泉和沈昭嗣韻

半嶺通湖眼閒僧護井湄自能清徹底何用砌成池鳥
道尋難到龍湫怒或移不知風雨候可有氣如絲

來鶴樓和韵

樓址為某姓墓地

舊日松楸廢何年笙鶴來樵人憐葬域山鬼避香臺峰
勢重重合湖光灑灑開步虛人罕到猜是小蓬萊

題書宣小影

十萬青鸞尾搖竹映得詩人鬢毛綠此中可少三間屋
竹西三月桃花紅前村後村烟濛濛此中可少一扇蓬
遠勢兼收隔江塔指圖山也與君作詩論畫法借君門前來
放鴨

書宣以藥酒一罌見餉賦謝

北風夜半收鳴鼉冷光浸日湖不波對門老樹盡僵立
枝顛斗大鵲作窠山人畏寒臥復起排籤十拍無人呵
雲間陳翁農山好事者乞與方法招詩魔酒材難致藥料
貴正苦羞澁囊無他感君餉我分一罌何異良劑投沈
痾甕城新開香繞鼻瀉以碧椀承紅螺甘分沆瀣光瓌

珀村釀不數黃如鵝卵時小酌午未醒挾纈續乍回陽
和蓬蓬入腦聲自覺粥粥浮面顏微醺枯腸一洗枵
出老眼亂瞽昏花過肩高尚吟薄薄酒耳熱漫作烏烏
歌井湄效箴咲揚子春色可賦煩東坡犀首達生坐無
事袁絲遣日知亡何有生得此亦過分况敢嗜好窮搜
羅偶將一醉累良友亟饋莫必惠已多預愁餅罄唇吻
燥挹漿那得翻天河

書宣次韻見荅復倒用前韻作一章邀余繼和
時書宣將歸揚州兼以贈別

君才如漢江淮河駕天輪浪豈患多坐批百家目炯炯
行貯四庫胸羅羅詞源獨騁曹植富餘地不量繼者何

金丸脫手最輕捷快馬直下胭脂坡朝來赫蹏急傳示
白雪竟壓巴人歌我時解鞍息蹇足臥看縱轡奔騰過
吟情欲探酒力發小戶一盞熏顏酡平生有作每倔强
音調太急絃難和醉來反嫌天地窄局促未免愁籠鵝
團團陳跡走循磨眩眩纈眼光旋螺爾來檢點稍知悔
思以勺水湔前痾可憐故態時復作形雖近放心靡他
人生有情會有癖湛詩麴蘖俱成魔何如牢守昔賢戒
不吟不醉從嘲呵逝將嗇養全晚計野蠶簇繭蜂藏窠
子今勇決乃過我氣盛不怕江翻波臨行舉杯懺口業
拔劍倘研生蛟鼉

以藥酒分餉唐實君吳西齋再疊倒韻索和

鴟夷皤腹鼠飲河就中滿貯得幾多玻璃万頃吸不盡
霜風吹淺如碧羅詩人氣麓言語大鐫琢造化將誰何
婁東二生我同調得第厭上金鑿坡竭來忘分更莫逆
銅斗許和寒郊歌湖心淺山住隔巷衝凍踏月頻經過
所慙才分非爾敵頰面未飲長先醅愁腸酒肺互撐拄
正賴藥味相調和長瓶分餉良有以願奢似挾山陰鵝
鷓鷃聊足注半杓鸚鵡恰好浮雙螺便從唐侯促佳句
實君許題放鴨圖詩尚未至更祝吳子蠲微痾時西齋屬微疾號呶當筵誰
是主剝啄扣戶人非他林黠木客盡逃避氣豪橫欲駭
群魔此間差無俗物擾尚有亭長能相呵懷哉歲暮盍
歸去坐看日夕雞棲窠小槽溜溜聽壓蔗饒涎亂湧珠

跳波床頭一壺堪醉倒不知門外傳更鼉

題鄒毅仁書劔圖

學書差足記姓名學劔無過一人敵英雄竟以成敗論
二語千年供指摘我持此論君勿疑潦倒粗言身所歷
方當出遊氣盛壯逸足誰堪受羈勒有文曾詡弔戰場
有力能誇控鳴鏑蹉跎祖述難着鞭爛熳陳琳徒草檄
收身十載赴場屋往往雄風避雌霓眼看騏驥盡先登
駑鈍悲嘶仍皂櫪天涯行旅慣黑瘦世上男兒多白哲
讀書擊劔兩無成鄧禹笑人終寂寂子才去我固十倍
射扎穿楊準懸的胡爲垂翅亦襜褕予美誰侑叩有鷗
三年奏牘困方朔五十吟詩咲高適馬應換妾刀贈人

龜手如何學緝緝薄田可耕池可釣良耜畝畝竿籊籊
還君此畫一展然寒盡知年不須曆

梁溪馬碧滄索題桐山草堂

吟徧峰頭又水涯九龍歸夢隔烟霞期君早種十年樹
待我來看三月華藥錄欲傳須手著琴材若中有人誇
不然斗大成何用万里丹山客是家

諺云梧桐大如斗主人出外走

題鄒舜五采蓴圖卷子次陳眉公舊韻

敏舷聲動吳歌起沙戶生涯雜魚米此中有蓴誰識之
埋沒蒼烟白蘋裏湖波太淡無鹽豉葉自青青莖自紫
脆如雪藕滑春冰異產寧教饜紈綺紅鱸四腮差可配
二老朝來動食指弄潮踏浪去何憂占斷湖心一片秋

百年好事留詩畫從此流傳到武丘人間網利多堪慮

莼擔年年入城去未應澤畔少清流却與貪夫供七箸

太湖中產蓴前此未之聞也天啓壬戌秋武山鄒舜五與陳眉公始採而食之眉公因繪圖以紀其事

發東山至石湖舟中大雪與蒙泉雪園分韻

忍別東山去依依尚有緣雲沈上方塔雪重石湖船密
坐可無酒敝裘終勝繇范村留故宅欲訪向誰邊

宋范致能

居此地名范村

雪夜泊胥門與蒙泉抵足臥

野泊五湖東迷漫雪滿空水明千雉白人靜一燈紅亂
橈雞聲外輕寒酒力中殘年歸夢濶惆悵兩心同

雪後至閶門換船

北風吹樓臺白日雪打面閨門十萬戶咫尺不可辨歸
舟一葉輕欲與嚴寒戰所欣吳中稔酒價冬來賤我裘
雖云敝一醉煖堪戀尚有無褐人忍饑肯霜霰

吳門橋阻凍

白日淡無色北風吹作陰浪增冰力厚橋插凍痕深已
近故鄉路偏傷獨客心是日蒙泉隣船如比屋兒女盡

吳音

入胥門訪薛孝穆不值留詩示之兼簡許暘谷

錢玉友

風止澤腹堅篙輕不可鑿短篷壓頭臥竟作三日惡賈
客聚連檣荒灣比村落人群自歡笑而我無處著遂訪

薛逢居衝風入南郭初來殊奮迅欲去轉寂莫窮途所

向昧妄冀朋友樂錢許初北歸合并有成約

十日前王友暘谷自

燕中返虞山期於吳門相晤亦為冰雪所阻

參辰在咫尺矧乃道里各天寒

歲徧臘何以慰離索興盡返孤舟獨吟還獨酌

打水詞

寒光射川如浴鐵千艘萬艘陷頑石鑿山通道古有之
河伯憑堅蟻難穴官船自倚人力強冰推亂擊船兩傍
船頭乍開船尾結去岸却泊河中央篙師笑謂官勿爾
世路升沈總如此若將人力與天爭倒捲天河應瀉水

阻冰七日始得發舟

筮易玩其占七日當解凍朝來覘風色東面柳初弄天

行既來復人力漸可用南船鑿冰來銀浦作流汞小僮
報奇事水活鱗甲動老夫亦欣然私喜言辛中披衣促
解纜一咲破愁夢桡桡啣尾行線路爭一縫虎齒截兩
涯倚棹誰敢縱遲遲計尺寸去去逐儕衆到家庶有期
春麥尚及種茆檐曝初旭宿火煨老葑旅食饕風霜何
如抱飯甕作詩當箴銘悔往聊自諷

夜泊平望驛橋下

換柁開吳江收帆宿平望環橋橫吾前天勢墮空曠或
言虹下飲比擬猶未當分明半輪月初吐碧波上風定
川不波上下巧相况小舟入圓鏡光景互摩盪夜寒人
語稀獨此發孤唱

敬業堂詩集卷十二

